

NEDOPUŠTENOG OGLAŠAVANJE U FBIH

NOVI ZAKON U FEDERACIJI BOSNE I HERCEGOVINE IMA ZA CILJ UREĐIVANJE ZAŠTITE TRGOVACA OD NEDOPUŠTENOG OGLAŠAVANJA

Zakon o nedopuštenom oglašavanju (**Zakon**) je objavljen 23. decembra 2016. godine i stupa na snagu 31. decembra 2016. godine.

Zakonom su propisani oblici nedopuštenog oglašavanja, postupak zaštite trgovaca i kriteriji pod kojima upoređujuće oglašavanje nije dopušteno. Zakon se primjenjuje na sva pravna i fizička lica koja prodaju robu ili pružaju usluge potrošačima u okviru svoje poslovne djelatnosti, kao i na sva lica koja istupaju u njihovo ime ili za njihov račun (**Trgovci**), osim ukoliko posebnim zakonom nije drugačije određeno.

Zakonom su kao oblici nedopuštenog oglašavanja utvrđeni zavaravajuće oglašavanje i nedopušteno upoređujuće oglašavanje. Zavaravajuće oglašavanje je određeno kao ono koje dovodi ili može dovesti u zabludu lica kojima je upućeno ili do kojih dopire i zbog toga utiče na njihovo ekonomsko ponašanje, odnosno oglašavanje koje iz istih razloga povređuje ili može povrijediti konkurente na tržištu. Nedopušteno upoređujuće oglašavanje direktno ili indirektno upućuje na konkurenta ili robu i/ili usluge konkurenta na tržištu.

Pored kriterija za ocjenjivanje nedopuštenosti pojedinačnih oglašavanja, Zakon propisuje i postupak zaštite Trgovaca, u okviru kojeg zainteresirana lica mogu tužbom pokrenuti hitan postupak pred nadležnim općinskim sudom kako bi zahtijevali prekid postojećeg ili zabranu predstojećeg nedopuštenog oglašavanja. Pokretanje sudskog postupka ne isključuje mogućnosti dobrovoljne kontrole ili pokretanja postupka kod udruženja trgovaca ili donosioca kodeksa ponašanja u određenim poslovnim praksama ili privrednim sektorima. Ukoliko je oglašavanje pojedinih proizvoda ili usluga, odnosno zabrana ili ograničavanje oglašavanja uređeno posebnim propisima, primjenjuju se ti posebni propisi.

U slučaju eventualnih pitanja, slobodno nas kontaktirajte.




Naida Čustović

Advokat u saradnji sa Wolf Theiss-om

naida.custovic@wolftheiss.com

T: +387 33 953 460



Samra Hadžović

Advokat u saradnji s Wolf Theiss-om

samra.hadzovic@wolftheiss.com

T: +387 33 953 457

Ovaj memorandum pripremljen je u svrhu pružanja opće informacije te ne predstavlja pravni savjet.

Slijedom toga, WOLF THEISS ne prihvća nikakvu odgovornost za bilo čije djelovanje ili propuštanje, na bilo koji način, a koje je utemeljeno na informacijama sadržanim u ovom memorandumu.

Ako želite saznati više o temi ovog memorandum ili općenito o našim uslugama, molimo Vas da se obratite na gore navedene kontakte ili na:

Wolf Theiss d.o.o. Sarajevo
Zmaja od Bosne 7/III
71000 Sarajevo
Bosna i Hercegovina
Tel.: +387 33 953 444
Fax: +387 33 953 445
www.wolftheiss.com